

E apertura di Joe Laveist Sport Park ta cerca

ORANJESTAD- E dianan ta yegando mas y mas cerca pa e reapertura oficial di Joe Laveist Sport Park.

Comision reapertura Joe Laveist Sport Park hunto cu Aruba Sport Unie (ASU) ta sigui traha masha duro mes riba e reapertura di Joe Laveist Sport Park dianan 27, 28 y 29 di november proximo cu diferente actividad y evento.

Dia 27 di november e apertura oficial di e facilidadnan ta tuma luga cu lo inicia pa 6'or di atardi. E culminacion ta e bunita y grandioso show di apertura y lo concentra riba honra esunnan cu a sostene

e sport park y grandinan den e mundo di deporte, specialmente di Baseball.

Pa 9'or di mainta lo inicia cu e encuentro Internacional di volleyball, cual ta un oportunidad pa tur mucha presencia y asina cuminsa sondea posibilidadnan pa join un team di deporte. Principalmente e scolnan.

Un di e highlightnan sigur lo ta e encuentro Interinsular di Baseball na unda Corsou y Aruba lo midi forza. Wild Cats di Corsou lo enfrente All Star Team di Aruba, mientras cu pa Beach Volleyball lo tin 3 team masculino cu lo midi forza cu e atletanan di Aruba.



Boxeo tambe ta riba e lista di eventonan. Ta un dicha pa mira asina hopi encuentro deportivo bek den "Joe Laveist Sport Park".

E diasabra aki, 7 di November 2015, e Comision reapertura Joe Laveist Sport Park lo ta na e Feria di Educacion y Salud y tambe na Aruba One

Love Reggae Festival 2015 pa asina conscientisa Aruba riba e importancia di e reapertura di Joe Laveist Sport Park y e acontecimiento cu esaki ta trece cun'e.

Despues di su apertura oficial Joe Laveist Sport Park ta bek na disposicion di San Nicolas y e comunidad di Aruba en general.

Pone e fecha den bo agenda, e invitacion sigur ta pa un y tur en special e hubentud pa bin disfruta di deporte cu lo inicia cu e re-apertura dia 27 di November, 28 di November e MLB all Stars Game y diferente weganan dia 29 di November. □